

知命
豫章漫抄摘錄



豫章漫抄摘錄

陸深撰

中華書局

叢書集成初編

知命錄（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米 三十二分之一

統一書號：IS 17-101-00894-1/K·367

紀錄彙編卷之一百三十五

豫章漫抄摘錄

陸深

陸深

南昌武寧縣地名常州亥蓋市井之區謂之亥者不知何所取義豈方言耶嶺南謂之虛柳子厚詩綠荷包飯趁虛人是已其義蓋取市會不常多虛日也又古語云市朝滿而夕虛也古詩云日中市朝滿其語多有所本按虛墟古字通用丘墟或有壘斷之義惟西蜀謂之疾解之者曰如瘧疾間而復作也甚無謂北方謂之集聲轉亦謂之積豈疾卽

集之謂耶南方謂之行鎮店南中諸夷謂之場每以丑卯酉日爲市故曰兔場牛場雞場豈用亥日爲市故謂之亥云

朱宗晦華亭人洪武間知靖安縣志稱其愛民禮士潔已奉公脩壇壝興學校治橋道勸農桑綽有政聲

洪武間松江太守黃輅字子威進賢人宣德間蘇州太守况鍾字伯律靖安人皆起吏員皆生南昌皆有能聲

江西通志載豐城朱善備萬洪武初赴廷試第一授

翰林院修撰則備萬當爲 本朝狀元第一而無
錄傳焉實錄所載善洪武初爲郡學教授八年被
薦除翰林脩撰後陞文淵閣大學士卒與通志微
不同按 本朝科第鄉試則以子午卯酉年會試
則以辰戌丑未年因事則移易故進士科有兩甲
申其一以 太宗渡江其一以文場火故也 太
祖以洪武三年庚戌鄉試明年辛亥則吳伯宗爲
狀元後至十八年開科值乙丑則程以善爲狀元
一云陳以善登科錄又載丁顯按臨江練安子寧
登洪武乙丑榜第二名則花綸爲狀元今金川王

屑中所載送花狀元應 詔歸娶詩又按水東日記載 高皇帝夢雙絲墜地時張顯宗狀元及第
豈卽丁顯或更姓耶二十一年戊辰則任亨泰爲
狀元世傳 太祖首開科得亨泰甚喜其名蓋據
所刻登科錄而言其實不然自任以前已有人矣
辛未則許觀備遺錄以爲黃觀今登科錄所載則韓克忠
是歲六月再廷試故也甲戌則張信丁丑則陳安
庚辰則胡靖建文之首科也更名廣一云本名廣
靖則唱第時所更也

尚文毅公輅字弘載仕至尚書大學士自鄉試至廷

試皆第一世稱爲三元 本朝三元者唯文毅一人

泰和尹文和公正言瑣綴錄中所載似鍾強珍二公
以名相謔事固有偶然者因憶予乙丑科內閣試
庶吉士以春陰爲詩題下註不拘體同年王韋欽
佩作歌行爲諸老所賞時柴墟儲靜夫瓘爲太僕
少卿過訪欽佩予時在座因索其稿讀之至警句
云朱闌十二晝沈沈畫棟泥融燕初乳柴墟擊節
歎賞曰絕似溫李予曰本是王韋蓋指摩詰蘇州
以戲之爲之一笑吉水徐舜和先生穆爲翰林侍

讀以生朝設席邀諸吉士會飲凡同年會皆序齒
若至座主家則門生遜一席舜和嘗考易房時徐
子容穆伯潛皆執門生禮舜和以次行酒大聲曰
徐穆二生坐於此而忘其名之自呼也亦爲之一
笑

誠意伯劉基嘗丞高安登至元間進士蓋重紀至元
云

黃恭正統間贛州知府通志備書其律已謙卑蒞事
勤慎興學校勸農桑以憂去郡人至今思之吾松
江人由舉人

江西大家賴糧經催之人往往設法取償於小戶有糧不滿升者索銀至五六錢其名曰小包大吾邑三鄉歲難並稔大家有立戶在此一鄉而田畝在彼一鄉者此鄉遭荒而彼鄉成熟則據戶蠲免謂之熟作荒事相偶類皆弊政也

紅巾賊李明號饒大膽據安福九十年甲辰鄧國公愈擒其父子始平之元末兵起皆以紅抹額稱紅巾者不獨一李明也按元至正十二年壬辰正月紅巾破九江閏三月斬黃汙陽紅巾破江州江州卽九江我太祖高皇帝以是年六月與中山王

等二十四人始起義畧定定遠後戊戌紅巾徐真
一下陳友諒始據江西時改元天啓明年己亥爲
天啓二年四月又改天定五月陳友諒自稱大義
元年庚子辛丑年十一月矮陳叅政據秦和改稱
龍鳳七年明年壬寅二月又作大義三年癸卯大
義四年八月友諒敗亡改德壽元年明年甲辰德
壽二年仍改稱龍鳳十年明年乙巳又明年丙午
至丁未爲吳元年戊申正月初四日我太祖高
皇帝改元洪武按癸卯卽至正二十三年時明玉
珍僭稱于蜀自將紅巾三萬攻雲南亦稱紅巾云

江西府州縣皆被帶山谿有田有險其阻深者尤勝
大抵賦稅難清盜賊易起則府州官之入衙如前
代勸農監押之類皆不可廢而縣令尤急按唐縣
七等一曰赤京都所治二曰畿京之旁邑三曰望
滿四千戶四曰緊三千戶以上五曰上千戶以上
六曰中不滿千戶七曰下五百戶以下凡注爲令
總治民政勸課農桑與戶口賦役錢穀賑濟給納
之事皆掌之有孝弟行義聞于鄉閭者申州激勸
以勵風俗有成兵則兼兵馬都監或監押其職守
若是宋政和二年詔縣令以十二事遵行一曰敦

本業二曰興地利三曰戒游手四曰謹時候五曰
戒苟簡六曰厚蓄積七曰備水旱八曰戒宰牛九
曰置農器十曰廣栽植十一曰恤田戶十二曰無
妄訟而以勸課農桑總之因考前代官制漫錄於
此

宋府設官

知軍事通判軍事各一員並兼管內勸農管田事

軍判官一員

錄事司理司戶司法參軍各一員

軍學教授一員

兵馬都監本軍駐劄一員

監押

四員添差者不與

巡檢

一員

巡轄馬遞鋪

一員

監在城酒稅

二員

監戶部贍軍酒庫

一員

元府設官

總管府達魯花赤總管

各一員皆兼管內勸農事

同知治中府判

各一員

推官

二員

經歷知事照磨兼架閣

各一員

司獄

一員

中萬戶達魯花赤正萬戶副萬戶

各一員

鎮撫經歷知事照磨各一員

千戶所一十一奕每奕千戶三員

百戶三十員

彈壓三十員

宋州設官

每奕及各首領官一員

知軍州事通判軍州事

各一員並兼管內勸農營田事

軍事推官軍州判官

各二員

錄事司理司戶司法參軍

各一員

軍學教授一員

兵馬都監本軍駐劄一員

監押

四員添差者不與

巡檢一員

巡轄馬遠鋪一員

監在城酒稅一員

監戶部贍軍酒庫一員

元州設官

達魯花赤知州

各一員兼管勸農事

同知州判

各二員

提控案牘都目

各一員

儒學教授學正學錄直學

各一員

六齋訓導

各一員

官州峽江提領

各一員

稅務提領大使副使

各一員

酒務提領大使副使

各一員

宋縣設官

知縣

一員兼管內勸農營田事

縣丞主簿縣尉

各一員

元縣設官

達魯花赤縣尹

各一員並兼管內勸農營田事

縣丞

二員

主簿縣尉典史

各一員

教諭

一員

訓導

四員

蒙古學教授學正

各一員

醫學教授學正學錄

各一員

惠民局官醫提領

一員

陰陽學教授

一員

稅課提領大使及副使

各一員

酒務提領及大使副使

各二員